

壬癸志稿五

太倉錢寶琛伯瑜輯

同里

葉裕仁涵溪
季錫疇崧耘
趙兆熊耳山
畢庭杰雄伯

參校

人物

太倉州

文學

宋

胡稷言字正思兵部侍郎則之從子少學文於宋祁得古法長有志節著時議獻范仲淹仲淹稱之既從胡瑗學遂精經術以特奏補官調晉陵尉歷主鄞縣簿山陰

壬癸志稿

文學

一

丞以不能究所施乞致仕於塗菘築小圃自比靖節種五柳名其堂淡然寡慾獨喜延引後輩年八十餘卒子嶧見隱逸傳

龔昱字立道明之子少游御史李衡之門貧能自樂鄉

人稱爲龔山長

王昶按宋史李衡傳衡江都人孝宗時除侍御史請老致仕後徙居崑山聚書踰萬卷號曰樂庵年七十五卒是昱之從游當在此時蓋淳熙紹熙年間人也

元

王夢聲字應甫至元間任崑山州學正因家湖川塘時

兵燹學宮廢夢聲出私財修治號曰古川先生

王昶按張采云

古川即王倬始祖湖川故州地其子姓蕃衍皆州人即支分崑山凡應科舉必籍州屈指婁江舊族未有先瑯

瑯者舊志不載今
從崑山志增人

陸仁字良貴博學好古以詩文名於時所著如佛郎進
天馬頌水仙廟迎神送神辭度黃河望神京諸篇爲世
傳誦復工字學楷草皆矜貴扁其所居之室曰乾乾齋

祀鄉賢

按張寅云仁自稱河南乃陸姓郡名又按玉山
草堂集至正十四年聯句序有云漕臺陸君良

貴亦有漕事之冗
則仁官漕司也

馬麐字公振世居太倉其祖厯邱始遷松江之南鍾巷
所居園池亭榭極幽閒日誦經史其中性不事修飾樂
與賢士大夫交客至觴詠與世泊如楊維禎重之稱爲
忘年友

壬癸志稿

文學

二

郭翼字羲仲少從衛培遊修學好古工詩尤嗜易楊維
禎稱其文並西京李孝光謂羲仲別有詩理負志意嘗
出策干時度不能用歸耕婁上老得官訓導以介特與
時忤號東郭生又號野翁楊維禎爲之傳盧熊題其墓
曰遷善先生子疇

張嵩字維岳居沙溪博覽羣書隱居著述以文學詔主
象山書院歸卽閉門卻掃屢徵不起躬耕樂道終其身
卒門人私謚貞文先生子養吾進士博學養高如其父
余曰彊字伯莊其先福之古田人父與可號藍溪先生
爲武夷書院山長來居太倉日彊篤志於學淹貫經史

奉母以孝聞晚號淵默叟

盛或字季文元末以貲著明初爲賦累徙歸吳岡環堵蕭然日與楊維禎鄭東鄭明李還張遜秦約盛景年文質陳善陸仁陸琬岳桂周暹余詮張恕仲天爵虞模諸名士倡和歷艱阻不改後坐累謫戍泊金山邁疾徐起賦詩投筆而逝

按桑悅云或所與倡和之士必太倉人爲多因記其姓名俟識者增傳之

姚文奐字子章號婁東生工詩與顧仲瑛友善至正未辟浙東帥府掾所著有野航集

明

袁華字子英少穎悟不羣讀書過目成誦考察經史百

壬癸志稿

文學

三

氏號該博善詩章尤長樂府與顧仲瑛友善其所藏書畫悉經品題所著可傳集楊維禎序之曰吾門稱能詩者南北凡百餘人求如張憲及袁華輩不能十人洪武初爲郡學訓導卒祀鄉賢

史謹字公敏博學好古工詩畫洪武初從戍雲南後以翰林學士王景薦授應天府推官左遷湘陰丞尋罷僑居金陵號吳門野樵孫鑑字元昭詩畫有祖風宏治初歸太倉

張恕字以行詩格近西崑洪武初以才德徵入見試春山新水詩立就稱旨賜綵衣一襲除北平盧龍知縣三

年以老病歸

顧愚字原魯僻處海濱學宗濂洛四十餘年不出門戶
徧覽經史百家一几當臂處凭跡宛然父仲庸病癱垂
絕吮復甦永樂時歲饑出米三百石以賑卒祀鄉賢

盧儒字爲己以薦授中書舍人博學矜貴文師韓柳書
法宗歐顏在翰林嘗被命作雪賦儒援筆立就諸人驚
伏

王履字安道篤學有志行博極羣書隱居教授詩文皆
精詣兼工畫法年五十餘攜其甥沈某西登華山畱觀
累日歸作圖四十圖各有詩冠以記凡四自謂窮華山

壬癸志稿

文學

四

名勝古今一人尤精醫嘗從金華儒醫朱彥修遊得其
心傳著述甚富爲秦府良醫正卒於官祀鄉賢子伯承
永樂中亦以醫著

偶桓字武孟性度落拓嗜酒喜吟詠少嘗接識楊維禎
倪瓚並見稱許洪武二十四年應秀才舉爲崇安從事
授廣西桂林河泊大使終荆門州吏目致仕歸遇淮南
故人蔣文用卽隨至京僑居建安坊下放情觴詠久之
乃還所居桃源涇有江雨軒卒年八十二

傅鄭字次泉父翼嫻吏事鄭去吏而爲儒性孝友穎悟
過人從盧觀遊聞性理之學觀愛其勤妻以女洪武四

年舉人爲會稽丞

張師賢字希顏好古博雅善談論愛作樂府凡文士至太倉無不過訪推爲詩文之長顏所居室曰芝蘭

陳伸字延齡博古工文辭洪武間舉秀才爲茶運副使改富陽丞自號怡雲老人

沈璵字孟温洪武中其家坐累謫戍雲南金齒衛宣德初歸省墳墓鄉人延以教子弟年幾六十日晡端坐辨說早暮無間時學宮西遷設兵衛儒術不能振璵至子弟受其法始有源委後還雲南卒祀太倉鄉賢今學宮卽其五經授徒處

壬癸志稿

文學

五

陳符字原錫父繼善字從道居穿山蓄高貲克尙詩禮恐子孫黷貨刻平軒文示戒符能洗豪習耽學嘗從吳文度讀書吳山中文度歿葬祭如禮巡撫周忱擬薦以母老辭

金瑤字廷振由衛學歲貢選授浙江分水訓導爲人和坦游心古學善誨人出其門者多所成就

查庸字若庸自幼博覽羣書獨於六經孔孟語體察精到至忘寤寐有得輒書積三十年聯大編數十卷所爲詩皆有理致由衛學歲貢選浙江仁和訓導改除蕭山後轉河南孟津教諭適姜昂守郡雅重庸命署縣事固

辭不許既而以疾致仕

按桑悅志作初任江西永新訓導

胡沔庸養子字友蘭通經史授徒里中弟承三歲失怙沔撫教之成進士見列傳沔行方寡合盛暑未嘗去衣冠指授弟子各有規法如陸鈇張泰皆出其門

桑悅字民懌琳子悅家貧無書從肆中鬻得讀過輒焚之部使者按水利下邑悅前謁書刺江南才子使者駭已問知悅乃延校書預刊落以試悅校至不屬卽索筆補之無誤者年十九舉成化元年鄉試再試禮部得副榜年籍誤二爲六遂除泰和訓導邱濬奇其爲人屬學使者善遇之使者至見悅不迎顧問長吏豈有恙乎長

壬癸志稿

文學

六

吏皆銜之曰故無恙乃使吏召悅曰連宵旦雨淫傳舍圯守妻子亡暇使者久不能待更兩吏促悅益怒曰若眞無耳卽使者能屈博士奈何屈桑先生爲若期三日來使者欲遂收悅緣濬故不果三日來見揖使者使者怒曰博士分不當得跪耶悅前曰漢汲長孺長揖大將軍明公貴豈踰大將軍耶因脫帽徑出使者乃下畱之御史聞悅名數召問謂匡說詩解人頤子有是乎曰悅所談元妙何匡鼎敢望卽鼎在亦解頤惟賜清燕御史壯之尋分典浙楚滇三省鄉試遷長沙府通判調柳州歲餘父喪歸服除遂不起居家益任誕褐衣楚製往來

郡邑間初悅在京師見高麗使臣市本朝兩都賦無有

以爲恥遂賦之時頗稱焉

按桑氏五通判瑾處州瑜溫州饒泉州大協杭州悅柳州

惟悅居太倉餘不錄

胡福字祖裔承子年十三讀綱目長編通記無遺爲文簡古正德年膺貢授河間府訓導不得上官罷貧至飢餓賴朋舊周卹卒自守無濫取者

龔持憲字行素州學生通詩春秋性耿介不隱人過嘗爲怨家所誣且貧龔持憲皆不爲累惟潛心古學不計名利得失晚應詔賜章服退隱南鄉著述以老

馬紹榮字宗勉初爲穿山周氏養子冒其姓善書天順

壬癸志稿

文學

七

六年順天舉人成化初授中書舍人直文淵閣嘗有急勅夜宣同僚盡醉紹榮獨簪筆上殿書麻稱旨陞驗封司員外郎陳情復姓宏治初修憲宗實錄遷山東參議陞太常少卿官三十年以清謹稱居內閣最久與永嘉姜立綱齊名其陞少卿也立綱以出身布衣不得同陞紹榮請捐一階與之故紹榮得太常立綱得太僕朝論賢之卒賜祭葬墓在吳縣楞伽山

葉夢滢字尚進崑山禮部侍郎盛孫徙婁江好古博洽敦孝友尤刻厲藝文持論嚴正人多憚之早卒

朱來復字德初諸生嘗僦舍少女來奔正色拒之家故

貧假居一椽能周給兄弟精記問凡授解後學經傳可
闇誦年五十三暴疾卒

曹泰字孟寅性剛敏少從太常少卿陸釵游宏治二年
舉人六年會試中乙榜就分水訓導改確山嘗署縣事
擢建甯教授未幾告歸卒泰爲儒官二十餘年潔苦自
勵橐無長物怡然不爲意

徐禎卿字昌國

一作穀

居雙鳳鄉父寓郡城因補長洲縣

學生少卽與唐寅文璧相唱和宏治十八年成進士爲
大理寺評事會失囚降五經博士始與慶陽李夢陽信
陽何景明等友善號七才子旣諷道書有得聞王守仁

王癸志稿

文學

八

講學蹶然起曰道果在是恨疾且作不足致遠奈何垂
歿謂子伯虬曰墓銘其屬陽明卒年三十有三初禎卿
爲進士時孝宗忽遣中使問禎卿與陸深名顧陸得庶
吉士禎卿僅平進又早死用不竟王世貞題像甚稱其
文章伯虬字子久嘉靖四年舉人亦能詩

金爌字懋光居茜涇歲貢授浙江象山訓導精史學作
諸史會編一百十二卷凡例十有九編纂四十年始成
梓行藏太學

何璧字文徵宏治十七年舉人主試大學士費宏錄其
文以爲士子程式正德六年成進士出知開州未幾卒

王梁字勝甫資敏力學少爲州諸生衛所轄以缺伍勾補梁往京師疏奏御史王憲奇其文竟坐所轄罪梁通達今古言論侃直嘉靖初議撤州治朝命下所司集眾咨詢梁極言存州之利去州之害反覆千餘言議上知州劉世龍輒轉勘達事得寢晚歲以貢謁選卒於京朱星字兆文諸生邃於易遠近師其學多宦顯振族黨之急不以己貧爲解子默見宦績傳

張櫝字美材正德五年舉人鉛山教諭練習時事與張寅論水利書實能逐事條析務在根究利病文亦委備有法

壬癸志稿

文學

九

陳珣

耆舊傳
作鉤

號婁東問子諸生畱心理學於性理及詩經皆著有講義稟性坦直面折人過不爲依附

張辰字伯逢穎敏力學與弟寅相師友治易名家正德八年舉於鄉四上公車不就職齋志以歿費窆銘其墓曰猗國之華胡屯於家矯矯冥翮墜于雲涯

陸之箕字肖孫之裘字象孫俱仲子之箕沈愨忠信議論平正之裘倏儻不羈以經濟自許慨然慕張子厚欲結客取洮西故事大同之變著論嘲柄國者以爲唾手可定頗爲里中兒所嗤弗恤也張寅輯州志二人實贊成之旣累舉不第並以諸生充貢之箕以需次卒之裘

終景甯教諭

陳桐字安道洽六世孫好讀書嘗從吳與弼參講理義誠心質行言笑不苟並知醫理

陸寰字允清精經術門人經指授多顯名時有張元蒙者字屏野工易學與寰齊名又有邵弁字偉元於經學有師法學者多從問疑義兼精醫術俱以歲貢終

曹子念名昌先以字行更字以新應諸生試不售棄去習古文辭爲其舅王世貞所重海內人士登瑯琊門非子念介弗進也世貞兄弟歿子念意不自得遷蘇州卒無子

壬癸志稿

文學

十

吳樞字龍橋博學能文後生多從受經義性耿介與相國王錫爵友善然未嘗造謁錫爵嘗就見之卒年九十

一
周鎬字子京墨子鎬弟銑字子明俱工詩文鎬有竹梧集行世子濂亦工詩蒼然風骨不爲靡麗之辭

陸端御字履威攻苦力學萬曆七年選貢廷試第一子文麟字孟祥文鳳字仲鳴俱好學篤行文麟少補諸生應歲貢讓其友文鳳工詩文及隸書萬曆四十四年歲貢廷試亦第一

趙宦光字凡夫居璜涇祖汴嘉靖十年鄉試第一十七

年成進士父樞生隱士宦光少入貲爲國子生豪華自喜中歲折節讀書廬居寒山親墓旁手闢荒穢疏泉架壑儼如圖畫一時勝流爭造焉工篆隸書爲世珍重所著書數十種字學尤精說文長箋其所獨解子均字靈均有志節從父傳六書之學又從燕山僧見林授大梵字并諸字母移日分夜父子自相講習有寒山金石林時地考諸書

沈承字君烈諸生少負雋才工詩賦有名於時爲古文奇奧峭拔森然有芒性閒澹不肯輕造人然慕與游者欽其耿介而又樂其和易也里人薰其德率成善良歿

王癸志稿

文學

十一

後立廟祀之妻薄少君見列女傳

徐鳴皋字環中幼爲張振之所知弱歲中萬曆二十二年鄉試勵志求道謁顧憲成叩程門宗旨憲成器之後爲青陽教諭訓諸生曰恆言必祝人科第我則願諸生爲聖賢科第由天聖賢由我諸生服其教遷南京國子監博士陞江西臨安同知有治績臺司重之以疾去官鳴皋內行淳至篤於倫理其學與東林諸君子稱同志然未嘗援以標榜嘗謂東林氣節不減東漢惜位置太高非吾人之福家貧至不能具朝餼默坐一室編摩論列臨歿以所著書授門人郎星緯星緯死於兵書遂亡

闕景陽字伯子攻苦有介性萬曆十九年舉於鄉蕭然授徒不預世事出入蹢躅徒步清操終其身

周維翰字申甫諸生湛深經術里中爭延爲師後學有疑問罔不應猶欲然若無年七十三以歲貢終子綿存見孝友傳

薄澹儒字味元萬曆三十四年舉人贅壻常熟徐氏遂僑居其地所作詩文偏宕有逸致

王志長字平仲父臨亨見宦績傳兄志堅列傳志長中崇禎十三年會試副榜奉特旨與甲榜同授官感夢而歸絕意仕進志長篤於經學以易起家兼精三禮毛詩

壬癸志稿

文學

十二

嘗刪周禮註疏采漢以後諸儒之說翼之名曰註疏刪翼詩宗毛鄭又集諸家詩說以成書弟志慶字與游少從兄學有家法時臨亨與兩子負高名志慶參起人稱一鳳三雛弱冠好詩歌作史論上下古人左氏班馬書及通鑑皆能上口天啟七年中鄉試志慶有書癖明潔窗几用翰墨必良晨夕手一編有常課兼玩花鳥罷書輒自灌水調食緝崑山東郊先業曰丙園閒適其中每連月不歸兄弟孝友志堅後居吳郡志慶與志長比屋終身相師友無間

吳升元字仲超奇敏強記通古今兼精歷學每預刻交

食差度無誤者爲人沈默少言負一意終歲隱几讀書足不他及家貧取與極明或絕糧忍飢自如以歲貢生選無錫訓導歿

朱明鎬字昭芑父廷璋官至參將明鎬年十七補諸生性強記天資絕人張溥及張采讀其文願與之交明鎬每讀一書手自勘讐朱黃鈎貫條分縷析上下千百年若指諸掌所著書史異同新舊唐書異同二書先成其餘十有二種史糾最爲可傳明鎬事親孝家貧資束脯奉母撫幼弟成立與人交推誠任素遇義所不可則正色譙讓無少避卒年四十六

壬癸志稿

文學

十三

趙學基字六息居璜涇諸生兄弟六人並知名學基尤精史學值明季兵亂憂時怫鬱見之著述許旭稱爲吳中高士性不諧俗嘗挈家居寒山尋歸卒

張泳字幼濤翼之子幼有才名無錫馬世奇隨父希尹任訓導至州重泳與交貢入國學期滿授布政司理問遷宗人府經歷值弟溥以復社被糾乃歸崇禎九年復舉賢良方正不就泳爲文少喜恢博後修經術規模前喆明於水利嘗獨力濬鹽鐵塘三舉鄉飲大賓

張深字徹侯輔之子以蔭入國子監崇禎年兩中副榜甲申後棄儒服閉戶讀書人罕見其面兼精楷法工寫

蘭竹卒年七十八

費參字省公性孝友家貧老屋三五椽日光穿漏不蔽風雨有田數畝歲澆饘粥不給然耿介一絲一粟不假於人論者以爲邠原徐穉之流陳瑚稱其詩律老而益細子來字天來亦工於詩

王鑑字圓照世貞曾孫由廕生歷部曹明季出知廉州府是時粵中盛開採鑑力請上臺得罷居二歲歸構室於弇園故址額曰染香讀書其中年甫強仕屏絕聲色不異老僧畫法巨然入神品世論畫推四王謂鑑與時敏原祁常熟王翬也王曾武贈鑑詩曰金谷此時忘宴
王癸志稿
文學
十四

集珠崖昔日罷徵求畫推北苑仍宗伯家寄東陵是故侯鑑以爲知己年八十卒遺命以黃冠道衣殮其寄志如此
黃翼聖字子羽元勳子少雋異秀絕人表崇禎十一年以薦授四川新都知縣時賊躡楚蜀名城望風奔潰新都素殘破聞賊至爭走匿翼聖積薪縣門誓死守城得全陞安吉知州尋棄官歸名所居曰蓮蘂栖性蕭閒喜山水工五言詩人稱如么絃哀玉自有天韻郡人徐波刻其遺集孫侃字孝直州諸生

陳申錫字君渥居張涇性端嚴言笑不苟博極羣書尤

精易理著周易鈎元自謂得邵堯夫真傳

龔挺字無競諸生居茜涇敦樸有古人風善古文辭弟
掄工詩饒魏晉風格拱篤學孝弟皆與顧夢鷹陳瑚陸
世儀結爲世外友

王化中字孟成嘉定籍諸生博通經史尤精性理撰五
經箋註又存齋稿二十卷楊廷樞爲之序

曹耀字德公少從張溥楊廷樞游嘗與陳瑚輩講天人
性命之學篤志理宦年耄不衰

吳爰字修齡爲贅壻於崑山崇禎中諸生尋被斥嘗取
義山無題諸詩詳說其意爲西崑發微著正錢錄圍鑪

壬癸志稿

文學

十五

詩話頗有指斥性喜談佛兼好神仙聞江淮有異人往
從之學鑪火術晚年自悔著有他石錄

國朝

王瑞國字子彥士馯子弱歲中天啟元年鄉試束脩砥
行蘇州文震孟姚希孟折輩行與交周順昌罹璫禍裹
金急其難馬世奇殉國設位爲誄以哭之性高簡寡嗜
慾研精書史無晷刻閒爲文章出入歐曾二家 國朝
順治十年授廣東增城知縣有治績三載告歸築室曰
瘞研齋日坐其中優游以老

朱汝礪字商石明諸生少游張溥及吳偉業門有志行

嘗作書數千言規當世事爲文瓌麗沈博知州白登明聞其名延修州志未成稿藏於家

王家祥字止吉諸生博通典籍尤精於天文地理知州白登明設書院於沙溪曰樂只堂延爲山長弟家禎字予來少孤與呂雲孚同硯席張溥見其文奇之引爲弟子入 國朝吳中文社並起爭致之不應生平勤著述於古今理要多所闡發同時陳嘉字靜夫文名與家禎埒師事黃澶耀澶耀歿撫其遺孤有古人風

黃煒字韞之居鄉以孝友稱廣交博學嘗著友史以自勵子與圭著九經解

壬癸志稿

文學

十六

顧元真字九陽明諸生居雙鳳里長於詩古文詞著有玄覽閣集其弟子周裳爲之序周裳字雲彥順治十一年舉人官宿遷教諭程穆衡稱其詩刻意長吉神骨逼真

周肇字子俶五歲識奇字至十歲爲文師嗟異之張溥舉復社肇以總角爲高弟貢入太學順治十四年順天鄉試舉人時科場事起同考官論死肇親爲治殮兼以橐餽濟其家四經 御試久之得青浦教諭舉卓異陞授新淦知縣時肇已病力疾之官以除弊恤民爲政亡何卒年六十九肇盛有詩名吳偉業嘗選同邑諸人詩

名婁東十子十子者肇及王揆許旭黃與堅王撰王昊
王抃王曜升顧湄王攄也

郁植字東堂法子幼雋異書過目成誦八歲試五倫論
吳偉業見而奇之未冠補諸生豪於詩古文辭與常熟
錢陸燦稱雙璧植秉父教又嘗從陸世儀游兼求性命
之學 國朝薦博學鴻詞科未試卒從兄禾字計登邃
於經學著有五經考辨一百卷十三經訂誤三十卷

王揆字端士時敏次子順治十二年進士應以推官用
養親不出專攻詩康熙十七年 詔舉博學鴻詞巡撫
慕天顏疏薦力辭揆通籍四十年雖未出仕而志切民

壬癸志稿

文學

十七

生如蘆洲稅課蠹弊力請當事釐之劉家河久淤上書
巡撫爲之濬鑿丁外艱年已杖鄉猶爲孺子泣年七十
一卒祀鄉賢弟撰字異公抃字鶴尹攄字虹友並工詩
享大年撰尤善隸書及畫

許旭字九日國榮孫年十二應童子試時學使盡黜幼
童得旭卷奇之補諸生鼎革後益肆力於詩范忠貞承
謨巡撫浙江聘入幕章奏皆出其手及承謨總督八閩
旭知耿精忠將爲變屢折其謀及難作承謨殉節精忠
怒旭特甚執諸在幕者徧鞫之必欲得而甘心焉旭以
先歸不及於難

王昊字維夏世懋曾孫弱歲補諸生能詩負才名交游徧海內後以奏銷案被黜閉戶讀書丹黃甲乙無虛晷所撰當恕軒偶筆時稱博洽康熙十八年舉博學鴻詞廷試授內閣中書命下而昊已先數日卒弟曜升字次谷諸生性豪邁脫略公卿跌宕文史尤精音律當筵顧曲不失累黍亦以奏銷罣誤志不自得浪遊四方卒於京師

顧湄字伊人諸生本程姓父新惠安知縣素與顧夢麐善夢麐無子因鞠之早通經義十二歲作爲上者與民爭利論宿老異之師事陳瑚爲高弟慎交同聲兩社興王癸志稿

皆以得湄爲重值奏銷罣誤絕意進取益研覃經史崑山徐乾學慕其名延館於家時爲納蘭成德刻通志堂經解湄校讐之力居多

吳澣字九滌博聞強識篤於倫紀手輯洗心子集百餘卷歿之日門人請於王御議立私諡曰貞隱

錢嘏字子純陳瑚高弟學有原本遊四方必奉父母木主以往所至焚香上食事之如生著鄉飲禮辨家禮彙參三吳水利議後遷虞山卒

王爾銓字範先少從陳瑚遊明陰陽讖緯之學甲申後隱居市廛以老詩宗錢劉所著有帆仙集

曹漢字倬雲資性兼人刻厲甚苦順治十四年舉人以奏銷被黜屏迹讀書後得申釋旋病卒

毛師柱字亦史諸生工詩客游四方以奏銷註誤益務爲詩如皋冒襄闢水繪園招致四方名士師柱與焉時王士禎爲揚州推官來修禊事酬和甚相得晚歲杜門息影吟詠頗富族弟師彬字魯封諸生詩亦有名兼善繪事

崔華字蘊玉一字不雕順治十七年舉人新城王士禎分校所得士博通經史兼工詞翰士禎盛稱其詩有白蘋江冷人初去黃葉聲多酒不辭之句人因號爲崔黃

壬癸志稿

文學

十九

葉康熙十八年舉博學鴻詞徵不起年六十餘卒

唐瑀字仙佩明常熟諸生寓居直塘後居沙溪東之葑漲少學詩於黃翼聖與崔華齊名中年後格調一變沈著深秀直入作者之室長洲汪琬稱其詩格在陸務觀范致能間其推重如此書法類九成宮亦極雄秀

黃祖顥初名遷字瑱傳長洲籍廩生幼負雋才詩詞甚富事親孝藉束脩以供甘旨夜有私奔者力拒之見道旁患瘍棄兒養之愈使去長洲有富人借其名以避役祖顥不知也及歲試以新例見斥改今名入太學卒年

四十

周世樟字章成諸生醅謹好學明天文算術平居教授每以窮經訓後進著五經類編爲家塾課本年七十餘無疾卒

周致中字與參肇子諸生居南郊躬耕以給土室頽垣嘯歌不輟

王曾武字宏導發祥子年十三補諸生奏銷罣誤以貲入太學爲詩文博茂淵雅性和而介不事奔競每謂學問人品科名一毫假借不得御史裘充美以博學鴻詞疏薦不就亦不造謁時論高之卒年五十四

王吉武字憲尹發祥次子慧悟夙成習聞其父論說學

壬癸志稿

文學

二十

有根柢康熙十五年成進士除中書舍人分校北闈爲同事受遇左遷國子博士遷工部主事陞員外尋以戶部郎中出守紹興爲政簡靜忤大吏意甫二歲中計典歸副都御史李濤以實學薦不出詩名與唐吏部孫華埒四方稱婁東詩者必曰唐王卒年八十一子安國字集虛州學生亦工吟詠

吳暲字元郎偉業子康熙二十七年進士由戶部主事遷兵科給事中四十四年青浦王原長洲王銓劾陳汝弼汝弼言原等實挾仇引暲爲證遂牽連落職事白入直武英殿充書畫譜纂修官暲才藻擅一時自家人至

奴隸咸通聲律卒年四十六暲兩弟隣字中麗早卒暲字少融壽光知縣俱以能詩稱暲子霖字獻可幼失怙隨生母居刻苦自勵嘗葺偉業故園刻父西齋集行世吳翊字振西繼善孫穎悟過人工舉子業爲諸生試輒冠其曹其詩清妙成一家言徐乾學致仕歸奉 命編輯一統志開局於洞庭東山集四方名士纂校翊與焉康熙五十一年成進士需次內閣中書以疾卒年六十王桓字臣虎諸生博覽羣書刻意爲詩與葉藩呂楠相友善唱和甚密

葉藩字桐初祖雲林父中密皆死於兵母陳氏撫之成王癸志稿
文學
二十一
立終身不應試工塤詞黃岡杜濬深器之妻以女客游四方名公卿爭爲延禮晚客涿洲卒於旅次年六十呂楠哭以詩云一棺雨雪三千里八口飢寒五六年蓋憫其遇也楠字三霑隱居授徒陳瑚等舉淮雲詩社楠爲眉目其詩文集華乾龍序之

朱顧廬字儀臣諸生潛心理學陸清獻隴其嘗評其文爲七郡之冠自署其齋曰顏樂以見志采輯薛瑄高攀龍顧憲成及陸世儀錢墀所著書以繼宋儒語錄從子慎字敬旃諸生幼岐嶷稍長聞顧廬緒論以學行爲鄉里師子體和亦諸生承家學著大易經傳繹

張元薦字咸岳輔之會孫選刻經義評隲精當以歲貢生任定遠訓導遷儀徵教諭所至有聲

浦泰本姓謝字心傳諸生爲人篤厚屏絕浮屠淫祀與朱顧廬同講理學輯四子書講義爲闡注儀封張伯行序之又輯毛詩闡注子安瀾字湧清幼警悟以副貢生考取教習選祁門教諭居未二載引疾歸卒年八十有三

周象明字懸著康熙十一年舉人工古文辭尤精經術論撰不苟家貧以教授自給力講根柢之學有從弟以逋糧自鬻象明積貲贖之旣而復然卒歸之終身贍給

壬癸志稿

文學

二十一

焉臺司聞其名飭知州延主講席象明登明倫堂講尙書洪範及昔賢主敬之學學者自遠而至歿祀鄉賢倪遇字元夫諸生性耿介嗜古時婁東十子詩風行遇獨上宗韓孟旁及蘇黃嘉定王梓見而異之與結契倡和無虛日然遇卒以窮困死遺稿散佚後梓子恪摻集得數百篇序而藏之

唐孫華字實君幼有神童之目遊京師名公卿爭禮之康熙二十七年成進士選陝西朝邑知縣會上問博古之士閣臣舉以對 召試詩賦稱 旨遷禮部主事調吏部考功司三十五年充浙江主考官嗣以考功註

誤歸孫華體貌清癯博聞強記言論風采傾一時尤熟於史事人有叩輒口竟原委數十行如注爲詩古文引筆灑灑千言不竭年旣耄窮經日有課程居鄉遇事輒昌言得失嘗謂蘇松民力宜恤官司虧空宜寬州縣城隍宜修濬欲寓書於大學士朱文端軾會疾作不果卒年九十

陸建運字慎三康熙二十九年舉人工經義何焯亟稱太倉吳陸吳謂諸生詡陸卽建運也書法學懷素人爭購之藉以自給爲人廉淡寡諧自號曰常惺又號白業山人卒年七十

壬癸志稿

文學

二十三

趙貞字松一性情澄澹壯游所至交無俗士又善談名理有晉人風致詩亦清新健舉著有蘭懷堂集

王遵宸字箴六扶子少孤力學康熙五十一年成進士改庶吉士時叔父揆爲大學士遵宸寓相邸不妄交游明年授檢討引疾歸五十三年 詔纂春秋經傳彙說揆奉 命總裁薦遵宸分修書成力辭疏薦而歸家居貧困至鬻書畫自給卒年六十有七子俊字叔彥康熙五十九年舉人由閩鄉知縣仕至同州知府所至以經術飾吏治旣謝病歸卒於家

王旦復字賡旦攄子康熙五十三年舉人與子玗同榜

世業春秋精於三傳弟昭被字葆光康熙四十五年進士任福建龍巖知縣以卓異行取入都移疾歸貧窶如諸生時

王策字漢舒諸生少年韶令才辯不羈時邑中多言詩策獨嗜倚聲檢討尤侗賞其秀異邀主其家共研聲律所著香雪詞一以張炎王沂孫爲宗

王恪初名慮字愚千世居嘉定祖泰際字內三父梓字學林幼穎悟絕人吳偉業贈泰際詩正禮雙龍方矯角釋奴千里又空羣者也梓嘗攜恪至太倉沈受宏見而器之字以女遂占籍焉中年游京師新城王士禎長洲

王癸志稿

文學

二十四

韓莢亟賞其詩文康熙五十七年成進士授唐縣知縣廉慎自持多善政以繼母年老乞歸應聘主豫章書院恪沈靜無嗜好惟汲古勤學終身無間著作甚富年七十卒

胡瑞遠字慶衍父若叟由歙遷雙鳳從陳瑚學敦行孝弟靜處一室終其身以書史自娛子荃亦能文

陳天根初名琦字齊韓博通羣籍遊國學時陳鵬年在史館見天根所著史要采入 國史後以母老歸與里彥結爲詩社以吟詠自娛

方政益字惠孚康熙五十六年舉人少從江同侯周象

明遊張伯行撫吳時聘修性理大全張晉司農主辛丑會試政益引嫌不試歸家力耕課徒卒年七十餘

毛煒字恪庵工古今文尤邃於詩足跡半天下所至吟詠無絺章繪句之習其眞行八分出入漢唐爲時所重孫永錫字孝章少孤奉母以孝聞

朱最字正文諸生淹貫經史負才不偶師事黃景若周象明講求性命之理所學益進

程階字星六諸生性坦和不立崖岸里中後學咸師事之嘗以所著詩文是正何焯有孤月映水野鶴唳天之譽

王癸志稿

文學

二十五

錢迪顯字蒼霖桓玄孫少稱神童年十三補諸生後入都公卿奇其文爭延致之脩脯所入悉置祭產卒年六十六子本立以孝聞

周鳳奕字羽良歲貢生質愿厚從唐孫華游始得讀書法後潛心宋儒之言選六安訓導未赴卒

毛序字東球天麒子博涉經史工詩與兄子健互長詩社王吉武目爲大小毛屢試不售扃戶讀書至老不輟子之玉有傳

毛健字今培張鼎子諸生以貢入國學三爲學博最後補祁門不赴吟壇酬唱時推老宿嘗選唐詩自謂得不

傳秘晚好填詞格近南唐

顧衍字蓀臣光復子英邁好學遇詩酒益豪游京師薦入奇門館修書南歸後客游東粵秦閩著作益富兼畫山水其友徐玠玉字漢光詞華淹雅嘗集衍等十二人分花賦詩王豨圖爲長卷以傳之衍子柟字南季工詩文豪放有父風從兄陳埒比之馬氏白眉

龔秉直字敬立選貢生學詩於沈受宏能得其傳著有石帆集唐孫華序之

王時憲字若干康熙二十三年舉人至京師時徐乾學方負天下望名士爭出其門時憲獨以後進禮見久之

壬癸志稿

文學

二十六

由中書改授宜興教諭尋聘校浙闈四十八年成進士及館選 上曰汝爲宜興教官耶蓋以丁亥南巡時獻詩 上猶記憶也遂改庶吉士授檢討主陝西鄉試年六十三卒於官平生著述尤邃於詩所擬陳思王樂府朱彝尊稱爲江左獨步

姜天章字漢昭少貧苦耽於詩爲童子師晚年妻亡無子存詩二卷臨終授其友蔡浚刻之

王麟來字玉書在晉曾孫康熙五十六年副貢生充鑲紅旗教習需次知縣以疾歸道卒詩文有奇氣子漁字硯深詩生負不羈才嘗贊修鎮洋縣志曾孫金詔有孝

行早卒

周翥字甸威贅壻常熟因家焉舉康熙三十八年鄉試教授山陽卒陳祖范亟賞其文謂得春夏之氣人亦坦直無疵

王肇字建初隱於市王琛字來珍隱於醫皆布衣比屋而居日夕倡和州中諸名士以詩酒相尚二人不預焉然婁東稱詩人者必及城西二王

吳學尹字莘來諸生性嚴重規言矩行從學者具有師範工制舉文詩亦簡雅

王寬字敬勇廩生師事周象明與陸毅同學互相砥礪

王癸志稿

文學

二十七

所詣益進來學者曰眾構精舍數楹名栗園講讀其中王良穀字是穉緝修子能詩文善書爲名諸生以王暮薦補浙江富陽知縣潔己奉公民安其治三年引疾歸畱心桑梓事浚河渠輯縣志多所贊助子劬畱字思聖勸畱字邁生俱諸生工詩勸畱因父歿哀毀卒

陸岡齡字疇五雍正二年舉人揀選知縣改就教職文章行誼爲流輩楷模當事聘爲鄉學師旣歿門人立祠西關外祀之

王賓字東膠以副貢生充官學教習訓課有法期滿祭酒爲奏畱二年選授粵西懷遠知縣時方勦義甯叛獯

與懷遠接壤賓練兵給餉眾推其能旋以失察逸酉罷
越數年奉 詔起廢授建德知縣與郡守爭失入案復
奪職先後屢主講席教士稱盛賓爲文規模先正詩仿
元白體間爲倚聲初與修鎮洋縣志後修太倉州志年
已七十餘未竣事而卒

徐庾字回懷家貧勵志讀書工詩嘗游福建卻巡撫某
聘某旋敗時人服其先見中表王戍守廬州延爲上賓
公餘相酬唱歿後無子詩稿散佚

凌燔字孝述歲貢生弱歲好學稍長博涉經史爲文獨
闢畦徑自然深秀間爲詩歌亦陶寫有致

壬癸志稿

文學

二十八

凌士錫字綏章幼孤力學雍正元年拔貢四年舉人會
試不第遂無進取意生平研玩小學近思錄宋五子書
事母孝守身治家俱有矩矱所著有四書集講周易集
講等書

毛之玉字用羽序子母王氏吉武之妹嫺吟詠之玉自
幼勤學雍正八年成進士改庶吉士授編修擢河南道
監察御史乾隆元年疏請抑奔競除訟蠹是秋分校順
天鄉試旋丁外艱以事左降服闋不復出主虞山書院
歷十四年造士頗多晚輯縣志年八十六卒詩仿眉山
劍南填詞尤工子詠有傳

毛詠字宣夔乾隆十三年進士改庶吉士授編修纂國史十七年假歸歷主常州龍城及婁東書院以喪子鬱鬱不樂邁疾卒詠天性孝友與人交坦易無城府詩古文辭宗法歐蘇歿後諸生立祠城南歲時奉祀徐夔字龍友父復揚廩貢生由穿山遷沙頭鎮生三子夔其長也長洲廩生稱詩吳下嘗注李義山詩與朱長儒互有異同又與惠棟撰王士禎精華錄訓纂卒於廣西學幕

顧廷桓字雙粟雍正元年順天舉人善屬文光祿寺卿李紱亟稱之與兄陳埒有二難之目

壬癸志稿

文學

二十九

朱振玉字彙九雍正四年舉人爲文匠心獨造教授里中方矩闊步以師道自任有至性會試旣入場忽心動卽棄卷出兼程而歸則繼母病革不起遂終身不復試年六十有七

王時翔字抱翼年十三始就傅一年通易詩書工詩賦補諸生嘗作三史摭言纂輯諸經箋注義疏雍正六年同里沈起元薦授晉江知縣歷政和甌甯爲政清簡遷漳州府同知以疾歸乾隆元年召起補蒲州府同知三年陞成都知府府在省會滿漢軍民雜處時翔練達庶政多所回斡年七十卒於官時翔夙以詩詞名世新城

王士禎咨賞以爲秀絕子景元監生稟承家訓績學工
文孫澄癸卯舉人澧渥皆貢生

陸松齡字鶴芬諸生爲人有矩矱績學不倦嘗續修沙

溪志

錢本誠字胄伊濤子雍正五年進士改庶吉士授編修
十年典試廣東乾隆三年復典廣西試充日講起居注
官 五朝國史 三朝實錄館纂修晉右贊善以親老
乞假歸省旋卒年四十九本誠畱心經濟在詞館日嘗
手疏當世利病爲一書名待致草弟枝桂字林一有文
譽雍正十年舉人揀選知縣未仕卒

壬癸志稿

文學

三十

吳德怡字順之偉業孫廩生舉止嚴重不苟乾隆元年
詔舉孝廉方正以疾辭不赴生平學博而精尤熟有
宋諸儒語錄卒年四十八

陳鉉字宏猷少讀陸清獻松陽講義慨然有求道志家
習農年十五父命之耕欣然就耒曰事所當事卽眞學
問也少休便勤讀著四書晰疑就正錄學政尹會一雷
鉉皆重焉歿後 詔纂四庫全書弟子王濤上於總裁
官錄入附存書目

宋賓王字蔚如幼喪父痛母早寡極意色養居市廛治
銀爲業篤好詩書堆積卷帙稍閒卽吟詠鈔錄不輟尤

究心字學手校書籍辨駁正訛輒爲善本同里沈起元
顧陳埽稱其學有根據知縣金鴻修縣志聘請分校人
稱宋布衣

王嵩字穎山諸生端雅有志節少學詩於其叔時憲時
翔名譽日起幕游豫章大梁旣歸益刻勵爲詩知縣金
鴻聘修縣志多所商榷從弟輅字素威尤工詞見賞於
毛健顧陳埽謂得姜史之遺

鄒以敬字魯望研覈經義精於三禮尤究心道學約同
人爲講會每日必以讀書所得者記之有常惺齋劄記
所著史論詩古文均佚其同閨顧駿業字蘊生少孤聞

壬癸志稿

文學

三十一

以敬與同學爲考課往從之領其指授卒爲名諸生
陸宏緒字百和雍正元年舉人乾隆七年會試取明通
榜選太平教諭陞羅源知縣廉潔奉公以親老告歸工
於詩卒年六十六次子元達字若泉乾隆二十五年順
天舉人官當塗訓導以培植人材爲事卒於官四子元
邁字沁雪乾隆三十年舉人文才英特與王瑜毛上畋
朱璿等結詩社有名於時
朱敘字端揆弱冠補諸生篤嗜典籍雍正七年以沈起
元薦赴部投牒念母切忽心悸遂告歸撫弟妹有恩義
與人交不欺然諾詩文皆有師承書法學米襄陽

楊宗時字繼山選貢生少有才譽工吟詠其制舉文體力矯時趨一軌於正竟以攻苦佗僚歿年四十三
錢斌字兼之汝駢子少工聲偶商邱宋犖多採其詞入吳風錄其題三高祠詩尤膾炙人口乾隆元年由湖南巡撫鍾保薦舉博學鴻詞未用卒

王恭字禮言性恬澹棄舉子業深造於詩以王孟爲宗沈起元稱爲作手南園本王錫爵別墅恭時尋往蹟招朋好觴詠其中集其詩爲南園風雅晚自號破有居士卒年七十二同時有邢桐字嶧陽自沙溪移居西城閉門卻埽專事吟詠著有草色餘言集恭爲之序

壬癸志稿

文學

三十一

陸棻字佩芳諸生通經學尤邃於毛詩嘗作詩義質疑於春秋左氏傳亦有論著

邢之煥字玉藻監生敦行慎交性恬靜好吟詠祖虞音季父陶民故能詩之煥繼之益工有灌畦詩草

黃昌言字仲常諸生師事盛金慎爲明儒章句之學輯有四書管見晚與王恭鄒以敬游頗事吟詠弟玉蟾字芬桂八九歲熟四書小學諸書少長五經周禮三傳俱卒業年十三補諸生卒年僅十九

邵嗣宗字鴻箴乾隆十七年會試第一改庶吉士授編修充咸安宮總裁續文獻通考纂修官順天鄉試及會

試同考官擢右春坊右中允轉左陞侍讀以疾乞歸未
及一載卒嗣宗性情恬澹操履醅謹詩文淹雅溫粹與
同里毛詠齊名內行尤篤孝於親事兄愛敬兼至獎成
後進循循不倦其教子弟則曰君子持身無過廉儉二
字不儉則不廉不廉則無恥聞者以爲篤論祀鄉賢

陸寅亮字嚮直歲貢生父岳諸生家素封盡出以購書
籍故收藏獨富沈德潛未第時嘗至婁東與岳談文藝
寅亮髮未燥聽受悉能領悟中年造詣益精卓以貢當
爲教官未及選而卒金壇王步青嘗合刻寅亮與陸崑
顧栗高寶毛商巖陸煒趙丕烈朱桓施涵何忠相文爲
壬癸志稿

文學

三十二

婁東十子商巖煒丕烈桓嘉定人涵忠相崇明人栗崑
寶皆別有傳

王鈺字兆堅歲貢生家貧事親以孝聞工楷書爲文法
先正里中多師事之年六十有九選青陽訓導未赴卒
顧成志字心勿諸生襁褓育於張氏後復姓誠其子以
張爲重名祭埽必兼承二姓成志醅行樸學與里中諸
老以道義相敦勸兼工詩晚年卜居西塘吟詠自適卒
年六十七子張思張傳俱諸生稟承家學以閱覽博物
爲事張思擅攷據經史疑義皆有劄記著有土風錄雪
亭詩鈔及筆記等書

王濟美字繹元世貞後中乾隆十七年副榜學術該洽尤工經義得其傳者多獲雋以去遠近宗之

郁臺字漢模諸生閉門讀書不預戶外事與顧成志講求宋儒之學時記所得以資觀省有安貧頤道之風

張郝元字吾山敘子乾隆三十年舉人選旌德教諭以卓異保舉攝南陵縣事罷歸郝元少承家學淹貫經史爲文深醖爾雅力追先正罷官後客游豫楚屢主書院皆有教規晚歲歸里巋然稱鄉邦宿老子景江有傳

談理字羲民居璜涇以經義鳴里中乾隆二十六年成進士選甘肅合水知縣性疏拙不能事上官罷歸未幾

壬癸志稿

文學

三十四

災賑案起理獨免優游里門教授以終

錢琥字曼承廩生性廉介不苟取然喜周急教授里中從游者甚眾平生好爲章句之學至老不倦

王宸字子凝原祁曾孫乾隆二十五年舉人後以會試薦卷取內閣中書出爲武昌府同知擢湖南永州知府皆以安靜爲治初太原王氏承時敏原祁後子弟多能畫而宸爲最性灑落修髯廣額滑稽談笑輒隱數人家素貧藉畫以給又嗜酒酒酣落紙淋漓滿幅旣任永州縱觀山水以造化爲師益造精妙罷官後流寓武昌卒年七十有八從弟寰字定九乾隆四十二年舉人工詩

文思力劖刻不爲凡語嘗游雁宕山樂其幽奇不忍去
宸爲作圖以見志焉

王士登字民綱諸生邃於性理爲文善闡經義又工詩
以陶韋爲宗年七十一卒

蘇加玉字維晉諸生少從鄒以敬學詩泊游八閩西江
中州選勝摛奇篇什益富返里以詩倡導後學恆教人
學杜爲之指示格律同里汪宮庶學金纂婁東詩派加
玉與其役遴擇不苟所著蓼蟲吟草王槐施之勳刻之
之勳字顛顛業衣工嘗問學於加玉亦嫻詩

呂琳字幼輿工詩文通字學爲名諸生綏德馬豫視學

壬癸志稿

文學

三十五

浙中延之入幕尋度嶺涉羅江訪友粵東無所合而歸
季夢荃字浩源乾隆三十年拔貢生選奉賢訓導少有
才名爲詩一宗唐賢不落晚近家數

胡騫年字瑀章世業鹽筴補浙江商籍諸生父兆麟性
孝友騫年克承先志內行醕篤兄蚤歿督二從子嚮學
皆有成學務根柢毛詩左氏傳說俱有成書所爲詩錢
大昕謂其忠厚悱惻得性情之正卒年六十三

馮偉字偉人乾隆三十六年舉人父懷璞字澹夫隱居
樂道爲里黨重偉少與兄俊齊名兩上公車不第遂無
意進取授徒邑里以卒年四十八無子以兄子恆爲嗣

偉平生推闡性命之旨洞徹理要於古今學術同異剖析尤精爲文深於義法具體歸唐恆字立方承家學攻古文辭簡雅有法昭文張大鏞刻其文附偉集後

陸觀宸字書宣諸生九歲能屬文性嗜古尤耽詩嘗從沈起元王恭輩遊詩益工卒年二十八

許培秀字毓良國榮後祖樞字馨自有厚德培秀少失怙樞教育之讀書嗜古內行修潔爲詩清瘦如其人與馮偉交契中年貞疾韋布以終

曾煜字亮工歲貢生少失怙家貧寄食於舅氏朱文照文照諸生工詩文煜賴其教養得通文藝癖嗜藏書見

壬癸志稿

文學

三十六

秘籍傾囊購之喜吟詠興至筆隨藉以自樂又喜考正字學

張亭字萼聯瞻洛子乾隆四十五年舉人年少負雋才酷嗜風雅家有日涉園時與里中諸彥爲文酒之會所爲詩清麗有則年逾強仕卒

王槐字茂階原籍杭州父業鹽筴僑居里中與汪隆耀同學詩於蘇加玉格律甚正隆耀字虛中諸生亦杭籍李錫恭字協襄學子昆弟五人錫恭居長少年奮志讀書夏日苦蚊以足納甕中讀至夜分無少休中嘉慶元年進士改庶吉士授編修九年 駕幸翰林院賜宴聯

吟錫恭立賦詩以進賞賚甚厚嗣是經進篇什輒稱
旨歷官至侍講學士以疾告歸卒弟錫信錫瓚錫惠錫
晉並舉人錫瓚尤工制義遠近學者奉爲科律官華亭
教諭卒年八十一

畢憲曾字季瑜瀧子乾隆六十年舉人少爲外舅顧光
旭所賞契詩文得其指授時世父沅以文章重望爲海
內龍門憲曾甫弱冠游於秦謁華陰廟效昌黎體成三
十韻句特險峻一時名士皆爲斂手中歲所詣益精文
學歸唐詩之至者在韓杜間性落拓家人生產事置弗
問日坐臥一榻讀書飲酒不輟卒年七十弟熙曾字耀
壬癸志稿

文學

三十七

裘諸生喜吟詠善分隸兼工篆刻姪文玉字懷之諸生
工詩歌才調不羣早卒

蕭揆字振西嘉慶三年舉人淹通六經制義最有根柢
課弟子嚴立程法經訓悉本口授舉比重席人比之高
密焉詩亦簡雅有法

蕭掄字冠英廩生與兄揆齊名稱二蕭掄經術湛深才
華富瞻好爲齊梁麗製客錢唐陳文述家聯吟昕夕長
篇短韻名擅一時著述甚富其釋車一書能補前人所
未及尤爲精核嘉定錢大昕爲之序

徐校字範莊恩貢生父誠諸生遷居昭文支塘鎮校生

有高稟習聞里中名儒顧鎮緒論又親炙書院山長王式金譚文升讀書嗜古好爲文章能深明義法宗仰歸有光汪琬晚年壹意著述哀輯漢魏六朝唐宋元明文爲一集 國朝文爲一集積百餘冊露鈔雪纂老而不輟卒年七十一

陸學欽字敦書嘉慶五年舉人少孤力學讀書神解詩文書畫俱臻超詣善鼓琴喜習靜一二知己外尠當意者中年失明連蹇以卒年四十四兄學錦字仲章增生亦工詩嘗偕吳本沈端沈靖顧之政錢宗韓宗穎拈題分體嘉定錢大昕以皮陸松陵相况

壬癸志稿

文學

三十八

胡金誥字晉階生而穎異美風儀文章詞賦名滿士林性簡雅不慕榮利嘉慶六年拔貢生以貞疾不赴 廷試閉門養靜以文史自娛年四十餘卒

徐階泰字正寅階升字允南並副貢生有文名父鴻達乾隆四十四年舉人邃於經術爲邑中名師階泰尤善論文導源於隆萬啓禎暨 國初諸大家指示義法口講筆授人益嚮學其友繆文溶字瀛海嘉慶二十四年舉人以經義教授鄉里學者奉爲圭臬王鉅字輔功陸錫眉字昌魯俱由舉人任教官精制舉業爲稠人宗師名與階泰參起焉

孫玘字嘉玉諸生讀書嗜古隱迹江村饘粥不繼嘯歌自樂嘗作村夫子傳以寄意晚歲喜與方外交栖心白業無疾而終

張景江字永叔郝元子嘉慶十五年舉人幼隨父游幕卽著文譽性高簡不喜干謁家貧斷炊丹黃不輟自謂一生無他長能忍飢讀書而已生平淹貫羣籍援據賅博尤通天文厯算晚歲潛心學易著有易義若干卷

王應鶴字冠廷嘉慶二十一年舉人性伉直好論議口如懸河聞者咸懾伏凡儒宗厯算醫卜釋老家言靡不精究治經務求要領不喜穿鑿附會論性善太極圖義

壬癸志稿

文學

三十九

尤闡發無餘蘊嘗以高忠憲集貲備荒法告同里舉行之道光二十九年邑大稔事賴以濟節孝彙題例初定應鶴創議採訪請 旌州之建節孝總坊自此始少隨父鏞宦雲南中年後教授四方藉脩脯自給卒年七十六

倪景曾字亦魯爲賢孫監生精疇人術湛思布算常徹夜不寐嘉定錢大昕三統術衍最稱善本景曾恐學者未能通曉推統術紀術之積數著爲圖說又作周官祿田考稱精核景曾歿後三統術衍圖說有缺佚顧思義衍而補之

王寶仁字東壁嘉慶二十四年舉人六安訓導寶仁操行醇謹篤雅好古教授生徒悉循矩則尤究心鄉邦掌故與同志編輯婁水文徵既官六安益肆力於古學交吳江張履壽州呂緝熙以文行相劘切六安人士咸推重之年六十四卒於官其門人趙以錕弱冠補諸生耽嗜經籍所論著悉有義據有志根本之學嘗書曰省錄以自警卒年僅二十四

陸鼎亨字凝仲父元吉嘉慶三年舉人事親孝嘗於州守座間懷荔奉母知州鼇圖繪圖紀其事以經義教授里中遠近學者從之鼎亨幼卽嗜學中道光二年鄉試

壬癸志稿

文學

四十

益自刻勵研覃經史以古人實學自期著有覺非錄曰省要言卒年僅三十六無子以族子文海爲嗣文海縣廩生好學能文亦早卒

壬癸志稿五終